

EW NAMOPUNG

A forata Sopun 9, Itenap 29 me non ewe Pukenapen Annukun Chuuk on ew takisesin isois sakaw, me pwan ren ekkoch popun.

Epwe Pung me ren ewe Legislature-un.Chuuk pwe:

Tetten 1. Forutan. Sopun 9, Itenap 29 me non ewe Pukenapen Annukun Chuuk iei a foruta ngeni ei ititin:

Sopun 9. Takisesin Isois Sakaw

Tetten:

900. Forutaan

901. Kapacheta

902. Kamotiwien

903. Tipisin

Tetten 900. Forutaan. Ew takisesin isois sakaw me non ewe State an Chuuk iei a foruta ngeni ekkei aukukun:

(1) Bio me sakaw pwetete

(a) non nenien ren ukukun engon-me-ruu aunus ika kukkun seni epwe senis ruwe ew; ika

(b) non nenien ren a watte seni engon-me-ruu aunus, senis engon ngeni ukukun ruanu aunus ika kinikinin me non;

(2) sakaw pwichikar, fisu chana ew kanon

(3) Wain, ew chana ew kanon, iwe nge ren wain fan asengesin angangen namanam epwe ketiweu seni ei takises.


Tetten 901. Kapacheta. Ewe takises mei for me non ei Sopun epwe kapacheta atun chok an tonong non rume ika chumongunong non ewe State an Chuuk.

Tetten 902. Kamotiwien. Nefinen chok nimu (5) ran murin an nom non rume me nenian nge a uounong ika tonong och sakaw ewe takises a poputa me kamotiw seni ewe chon isois me non ewe State an Chuuk. Ewe chon isois epwe monatiw ren ewe Treasurer iwe epwe angei och sakkun taropween staman takises an epwe pacheita on ewe sakaw ika nukun ewe nenian sakaw. Ren menni nenien (wan) sakaw ese wor ewe stamen takises won epwe wewen pwe ese monatiw ewe takises. Ewe Tax Collector epwe forata ewe napanapen ammasowen ei annuk.


Tetten 903. Tipisin. Ion aramas a tipis ren isois sakaw
nge ese monatiw ewe takises epwe kanipus non esap nap seni ew ier
ika pakking won ukukun esap nap seni \$1,500 ika ir me ruoch.

Tetten 2. Poputan Pochokunan. Ei Annuk epwe poputa pochokunan
fansoun a kapunguno me ren ewe Kepina, ika pusin winiti annuk nge esemwo pwan
chiwen kapunguno.

Annetata:


Datsi Albert
Legislative Clerk/Secretary
Legislature of the State of Truk


Sain seni:


Tadashi C. Wainit, Speaker
Legislature of the State of Truk

Pwinin maram:

April 27, 1979

Kopunguno seni:


Erhart Aten, Kepina
Truk State Government

Pwinin maram:

April 27, 1979